



## **FREQUENTLY ASK QUESTIONS**

### **PROGRAM IJAZAH DALAM NEGARA (PIDN) TAHUN 2024**

#### **1. Apakah itu Program Ijazah Dalam Negara (PIDN) Tahun 2024?**

Program Ijazah Dalam Negara (PIDN) tahun 2024 merupakan penajaan yang berfokus kepada pelajar peringkat ijazah pertama yang sedang mengikuti pengajian di Universiti Awam (UA), Politeknik Premier dan *Government-Linked Universities* (GLU). Penajaan program ini adalah dalam bentuk **Pinjaman Boleh Ubah (PBU)**.

#### **2. Apakah syarat-syarat permohonan PIDN Tahun 2024?**

2.1 Calon-calon mestilah memenuhi syarat umum dan syarat khusus permohonan seperti berikut :

##### **2.1.1 Syarat Umum**

- 1) Warganegara Malaysia;
- 2) Mempunyai kesihatan yang baik yang baik iaitu bebas daripada sebarang penyakit kronik serta disahkan sihat untuk meneruskan pengajian;
- 3) Ibu dan / atau bapa tidak disenarai hitam atau sedang dalam tindakan undang-undang oleh JPA;
- 4) Tidak menerima bantuan kewangan / tajaan dari mana-mana pihak di peringkat pengajian yang sama;
- 5) Memiliki Sijil Pelajaran Malaysia (SPM); dan
- 6) **Umur tidak melebihi 22 tahun** pada tahun permohonan (23 tahun bagi pelajar peralihan).

### 2.1.2 Syarat Khusus

- 1) Telah memulakan pengajian peringkat Ijazah Pertama sebelum tarikh iklan ditutup;
- 2) Bagi **Universiti Pertahanan Nasional Malaysia**, hanya terbuka kepada pelajar selain pegawai kadet;
- 3) Tidak pernah gagal atau mengulang mana-mana subjek dalam mana-mana semester sebelum membuat permohonan; dan
- 4) Memenuhi syarat akademik seperti berikut:

#### A. **Bidang SELAIN Perubatan dan Pergigian:**

- (i) Pelajar telah memulakan pengajian dan memperoleh Purata Nilai Gred Kumulatif (PNGK) terkini **sekurang-kurangnya PNGK 3.30 (bidang selain Kejuruteraan)**;

**Atau**

- (ii) **Pelajar bidang Kejuruteraan** yang telah memulakan pengajian dan memperoleh Purata Nilai Gred Kumulatif (PNGK) terkini **sekurang-kurangnya PNGK 3.00**;

**dan**

- (iii) **Mempunyai baki 12 bulan pengajian tidak termasuk semester terkini / semasa.**

#### B. **Bidang Perubatan dan Pergigian:**

- (i) Memperolehi keputusan '**Lulus**' bagi semester terkini pengajian bagi bidang perubatan dan pergigian;

**dan**

(ii) Mempunyai baki 12 bulan pengajian tidak termasuk semester terkini / semasa.

**3. Bagaimana saya boleh memohon penajaan Program Ijazah Dalam Negara Tahun 2024?**

Permohonan dibuka secara dalam talian (*online*) di <https://bmipenajaan.jpa.gov.my> mulai **29 Februari 2024 hingga 7 April 2024**. Permohonan yang diterima selepas tarikh tersebut tidak akan dipertimbangkan.

Calon dibenarkan mendaftar, mengemaskini / meminda maklumat permohonan sebelum tarikh tutup permohonan. Hanya pindaan yang terkini sahaja diambil kira untuk tujuan penyimpanan data. Calon hendaklah memastikan proses permohonan telah sempurna dengan mencetak **Slip Pengesahan Permohonan Penajaan Program PIDN Tahun 2024** sebagai bukti permohonan telah dibuat.

**4. Apakah saluran yang boleh dihubungi untuk sebarang pertanyaan?**

Pertanyaan mengenai program tajaan dan masalah teknikal boleh hubungi talian **03-8885 3297** pada setiap hari bekerja mulai jam 9.00 pagi hingga 4:00 petang atau e-melkan kepada **pidn2024@jpa.gov.my** (talian dan e-mel ini hanya aktif dalam tempoh permohonan dibuka sahaja).

**5. Apakah mekanisme penguatkuasaan Perjanjian Pinjaman Boleh Ubah?**

Calon-calun yang berjaya ditawarkan penajaan ini dan bersetuju menerima tajaan adalah tertakluk kepada terma ikatan perjanjian seperti berikut:

- (i) pinjaman ditukar kepada biasiswa penuh dan dikecualikan daripada bayaran balik sekiranya pelajar berkhidmat dalam Perkhidmatan Awam setelah tamat pengajian;

- (ii) bayaran balik sebanyak 25% daripada jumlah pinjaman yang diterima sekiranya pelajar berkhidmat dengan syarikat berkaitan Kerajaan (GLC) setelah tamat pengajian;
- (iii) bayaran balik sebanyak 50% daripada jumlah pinjaman yang diterima sekiranya pelajar berkhidmat dengan syarikat swasta dalam negara setelah tamat pengajian; dan
- (iv) selain daripada keadaan seperti di atas, pelajar dikehendaki membayar balik sepenuhnya nilai pinjaman.

**6. Bilakah tarikh keputusan permohonan program ini akan dimaklumkan?**

Keputusan permohonan penajaan ini dijangka akan diumumkan dalam portal <https://bmipenajaan.jpa.gov.my> pada **September 2024**. Jika terdapat sebarang perubahan pengumuman tarikh keputusan, ia akan dimaklumkan dalam portal berkenaan.

**7. Saya merupakan bekas pelajar tajaan Program Dermasiswa B40. Adakah saya akan ditawarkan penajaan Ijazah Pertama secara automatik?**

Pelajar perlu memohon semula program penajaan PIDN secara dalam talian (*online*). Tiada penajaan secara automatik diberikan kepada calon.

**8. Saya mendapat penajaan JPA, tetapi saya tidak mempunyai akaun Bank Islam. Adakah saya perlu membuka akaun sendiri atau pihak JPA akan membantu untuk membuka akaun bagi membolehkan saya mendapat penajaan JPA?**

Pembukaan akaun bank kepada semua pelajar yang berjaya mendapat tajaan akan diselaraskan oleh JPA dengan kerjasama pihak bank.

**9. Saya telah menerima tawaran penajaan JPA, tetapi pada masa yang sama telah mendapat pinjaman PTPTN, apakah yang perlu saya buat?**

Jika pelajar memilih untuk menerima tawaran penajaan JPA, pelajar perlu menamatkan kemudahan pinjaman PTPTN atau penaja-penaja lain.

**10. Adakah pihak JPA membenarkan saya menukar universiti tanpa membatalkan penajaan saya?**

Pihak JPA tidak membenarkan pelajar tajaannya membuat pertukaran universiti tanpa mendapatkan kelulusan daripada pihak JPA terlebih dahulu. Jika pelajar berbuat demikian, penajaan pelajar boleh ditamatkan.

**11. Bolehkah saya bertukar kursus atau bidang atau universiti selepas mengikuti pengajian dan menerima tajaan JPA?**

Secara dasarnya, sebarang pertukaran kursus adalah tidak dibenarkan melainkan atas sebab-sebab yang kukuh dan munasabah. Sekiranya pelajar ingin juga menukar kursus, sila kemukakan permohonan rasmi kepada Jabatan ini dengan memaklumkan sebab-sebab ingin bertukar kursus. Kelulusan permohonan tersebut akan diputuskan oleh Mesyuarat Jawatankuasa.

Sekiranya mesyuarat bersetuju meluluskan permohonan tersebut, maka penajaan ke atas pelajar akan diteruskan untuk kursus yang baharu. Namun, jika sebaliknya, penajaan ke atas pelajar mungkin akan ditamatkan.

**12. Bolehkah saya bertukar penaja sekiranya saya ditawarkan oleh penaja lain setelah saya menerima penajaan JPA?**

Pelajar tajaan JPA tidak dibenarkan sama sekali menerima tajaan lebih daripada satu penaja. Jika pelajar ingin menukar penaja lain, sila kemukakan surat rasmi ke Jabatan ini.

### **13. Apakah bidang yang ditaja oleh JPA?**

Bidang-bidang yang dimohon oleh pelajar hendaklah telah mendapat akreditasi penuh oleh Agensi Kelayakan Malaysia (MQA) atau telah diiktiraf oleh Badan Profesional (jika berkaitan).

### **14. Apakah bidang yang tidak ditaja oleh JPA?**

- a) Bidang pendidikan;
- b) Bidang yang memerlukan pelajar mengambil jenis-jenis lesen seperti lesen penerbangan, lesen menyelam dan sebagainya;
- c) Program-program berbentuk francais universiti awam/ IPTS;
- d) Program-program berkembar/ ijazah dual/ *double degree*/ program kerjasama dengan institusi lain kecuali yang dibenarkan;
- e) Program kejururawatan, separa perubatan dan program pra perkhidmatan;
- f) Program-program berkaitan sijil profesional seperti ACCA; dan
- g) Program pengajian secara separuh masa/ jarak jauh/ atas talian/ pengajian tanpa subsidi yuran pengajian.

### **15. Adakah pelajar yang mendapat penajaan JPA akan diberikan pekerjaan di sektor awam secara automatik selepas menamatkan pengajian?**

Tidak. Pelajar perlu memohon sendiri dengan pihak berkuasa melantik bagi tujuan tersebut.

### **16. Adakah pelajar yang mendapat penajaan JPA dikehendaki berkhidmat dengan Kerajaan selepas tamat tempoh pengajian?**

Tidak semestinya. Sekiranya pelajar berkhidmat dalam perkhidmatan awam, pinjaman ini akan ditukarkan kepada biasiswa. Namun jika pelajar memilih untuk tidak berkhidmat dalam perkhidmatan awam, pelajar perlu membayar semula pinjaman mengikut kadar yang telah ditetapkan.

**17. Bapa saya adalah seorang pesara Kerajaan? Apakah yang saya perlu isi di ruang pendapatan bapa?**

Bagi pesara Kerajaan, sila isikan jumlah pencen yang diterima bagi setiap bulan di ruangan tersebut.

**18. Bagaimana sekiranya nama kursus yang ditawarkan oleh pihak universiti kepada saya tidak berada di dalam senarai borang permohonan *online* PIDN?**

Hanya bidang yang disenaraikan sahaja boleh dipohon kerana bidang yang ditaja mestilah mendapat akreditasi penuh oleh MQA atau telah diiktiraf oleh Badan Profesional.

**19. Saya merupakan pelajar dalam bidang kejururawatan. Adakah saya layak untuk memohon penajaan JPA di bawah PIDN?**

Untuk makluman, Jabatan ini tidak menawarkan penajaan bagi pelajar-pelajar Kejururawatan atau Separa Perubatan yang dikendalikan oleh Kementerian Kesihatan Malaysia (KKM).

**20. Sekiranya saya menolak tawaran Program Ijazah Dalam Negara (PIDN) Tahun 2024, adakah saya layak dipertimbangkan sebarang penajaan lain di JPA?**

Ya. Pelajar boleh memohon apa-apa program penajaan lain yang ditawarkan oleh JPA sekiranya melepasi syarat-syarat permohonan program penajaan.

**21. Berapakah nilai pinjaman yang akan saya terima?**

Sila rujuk Lampiran I.

**JADUAL NILAI PINJAMAN DAN TEMPOH BERKHIDMAT SELEPAS TAMAT  
PENGAJIAN BAGI PROGRAM IJAZAH DALAM NEGARA TAHUN 2024**

<b>BIL.</b>	<b>BIDANG</b>	<b>INSTITUSI PENGAJIAN</b>	<b>NILAI PINJAMAN</b>	<b>TEMPOH BERKHIDMAT</b>
1	Perubatan	Universiti Awam	Kos perbelanjaan sebenar	Berdasarkan tempoh penajaan
2	Pergigian			
3	Farmasi			
4	Veterinar			
5	Kejuruteraan			
6	Senibina			
7	Sains			
8	Sains Sosial (4 tahun)			
9	Sains Sosial (5 tahun)			
10	Kejuruteraan	GLU & MJIT	Kos perbelanjaan sebenar	Berdasarkan tempoh penajaan
11	Sains			
12	Sains Sosial			
13	Kejuruteraan	UMPSA-BJTU		
14	Terbuka	Politeknik Premier		

**-TAMAT-**